



Broj: 05/1-50-19-303-1/11
Sarajevo, 26.5.2011.

ZABILJEŠKA

sa sastanka članova Nezavisnog odbora kao nezavisnog tijela policijske strukture BiH s rukovodiocima Državne agencije za istrage i zaštitu

Sastanak je održan 26.5.2011., s početkom u 14 sati, u prostorijama Državne agencije za istrage i zaštitu u Istočnom Sarajevu. Prisustvovali su: Mirko Lujić, direktor, i Marko Dominković, zamjenik direktora Državne agencije za istrage i zaštitu, članovi Nezavisnog odbora Zijad Kadić, Dragan Savić i Viktor Dadić, te Alma Salkić-Mijić, privremeni sekretar Nezavisnog odbora.

Direktor Državne agencije za istrage i zaštitu Mirko Lujić upoznao je članove Nezavisnog odbora o stanju u ovoj agenciji, kadrovskoj popunjenosti, procedurama nabavke opreme i materijalno-tehničkih sredstava za zgradu u kojoj je smješтана Državna agencija za istrage i zaštitu, te kapitalnim investicijama koje SIPA planira realizirati u narednim godinama. Naglasio je da Državna agencija za istrage i zaštitu kao agencija koja se, između ostalog, bavi sprječavanjem i otkrivanjem najtežih krivičnih djela, ima potrebu za zapošljavanjem stručnih, iskusnih, usko specijaliziranih, profiliranih kadrova. Međutim zbog brojnih zakonskih prepreka i nedostatka ovakvog kadra u BiH, ova radna mjesta su u SIPA-i upražnjena. Također je istakao da je veoma važno da se riješi pitanje smještaja, kupovinom ili izgradnjom objekata, za regionalne urede SIPA-e prije svega u Tuzli, a zatim u Banja Luci, Mostaru, Sarajevu, kao i smještaj Jedinice za posebnu podršku.

Članovi Nezavisnog odbora su naglasili da će Nezavisni odbor u okviru svojih nadležnosti, pružati podršku i podržavati rad ove policijske agencije, te da će izvještavati Parlamentarnu skupštinu BiH o poteškoćama sa kojima se u radu suočavaju rukovodioci Državne agencije za istrage i zaštitu.

Sastanak je završen u 15 sati.

Zabilješku sastavila
privremeni sekretar
Nezavisnog odbora
Alma Salkić-Mijić